

本书出版得到国家古籍整理出版专项经费资助

清代吏治史料

线装书局

官员管理史料
四二

清代吏治史料

线装书局



巡撫四川等處地方提督軍務都察院右副都御史降三級留任臣憲德謹
題為縣令才不勝職等事該臣省得縣令一官有刑名錢穀之責必須明達敏練才具優長方勝任
茲據布政使高維新按察使劉應昂詳准建昌道馬維翰移稱嘉定州屬榮縣試用知縣楊添才具
平常難勝民社之任但該員係舉人出身文藝尚堪秉鐸應請循例改補教職等情前來臣覆核無
異理合具

題請

旨將榮縣試用知縣楊添發回原籍改補教職其所遺員缺臣于試用人員內酌量奏署除行司令將該
員解任並查明有無虧空錢糧倉穀另報外謹合詞具

題伏祈

皇上睿鑒勅部議覆施行謹題請

宣統三年二月二十二日題三月十七日奉

旨該部議奏

巡撫安慶等處地方提督軍務都察院右副都御史加二級臣程元章謹
奏為恭謝

天恩仰祈

聖鑒事竊臣一介庸愚荷蒙

聖恩起擢由浙藩而任封疆愧無報稱夙夜靡寧茲以前浙江布政使任內督催康熙五十八九六十一

年雍正元二三四等年南米未完部議于現任內各罰俸三個月臣督催未完部罰九當乃蒙

持旨程元章從寬免其罰俸

聖恩高厚

天眷弘深臣何人斯膺茲格外

殊恩跪讀之下感激彌殷撫來愈惕惟有益加勉勵務竭心力以期仰報

高厚於萬一臣謹恭謝

天恩謹具奏

聞雍正九年二月二十七日奏三月十七日奉

旨該部知道

經筵講官少保兼太子太保保和殿大學士兼管吏部戶部尚書事加四級臣張廷玉等謹

題為縣令才不稱職至應分別勒休改教以免貽誤地方事該臣等議得山東巡撫岳疏稱內興縣知縣姬調陽年邁糊塗諸事罔葺淄川縣知縣葉祝采老庸懦政務廢弛肥城縣知縣彭亮識見迂疎遇事寡斷昌樂縣知縣張世錢才具平常不諳吏治濟陽縣知縣金兆瓏性情拘執臨民無術新泰縣知縣王弘仁資性遲鈍僅科之術均難稱職查姬調陽葉祝采年久既衰且屬庸懦糊塗應請勒令休致彭亮張世錢金兆瓏王弘仁雖無治民之才而文理尚優俱係科甲出身猶勝束鐸之任應請以教職補用等因具題前來查定例官員年老若休致等語應將博興縣知縣姬調陽淄川縣知縣葉祝采均照例令其休致再該撫疏稱彭亮張世錢金兆瓏王弘仁雖無治民之才而文理尚優俱係科甲出身猶勝束鐸之任應請教職補用等因應如該撫所請肥城縣知縣彭亮昌樂縣知縣張世錢濟陽縣知縣金兆瓏新泰縣知縣王弘仁俱准其以教職改補俟各員回籍後該撫報部照例補用倘改補之後不思殫心竭力以盡職守有容顏怠忽等情令該撫學政查叅從重議處其所遺博興等知縣六缺照例歸于月分銓選可也恭候

命下臣即遵奉施行臣等未敢擅便謹

題請

宣統元年三月十六日題本月二十日奉

旨依議

經建諸官少保兼太子太保保和殿大學士兼管吏部戶部尚書事加四級
題為解犯排黨等事該臣等議得先經貴州巡撫張廣泗疏稱新昌德魁兒與傳通索理等同行排黨

詐財送還辱官一案所給人夫口糧夫價之各州縣俱係自行捐給並未動支正項錢糧且俱遵

旨有報應請免議等因臣部查各州縣雖係自行捐給例有虛分不使免議今該撫查明題奏到日再議

去後令據該撫將捐給口糧夫價之玉屏縣令陞銅仁府正大營同知孫紹武等題奏前來 查

定例逃解人犯于所過地方辱官詐財生事不法州縣官隱匿不報首照官役驕擾驛站官站官拘

情不報例降二級調用等語應將玉屏縣知縣令陞銅仁府正大營同知孫紹武清平縣知縣令陞

南龍府通判朱本全均照例子原任內降二級調用鎮遠縣知縣余汝昂施秉縣知縣沈遠黃平州

知州蕭君柱貴定縣知縣何天峻龍里縣知縣王名熙署鎮寧州事令授安化縣知縣蔡時豫均照

例降二級調用何天峻又署青溪縣事應照例再降二級調用查孫紹武朱本全均有加二級應各

銷去加二級抵降二級免其降調蕭君柱有加一級應銷去加一級抵降一級仍降一級調用余汝

昂已經休致應銷去頂帶二級沈遠何天峻王名熙俱經別案革職其降級之處仍應註冊再查發

遣人犯傳通索理逗遛詐財辱官驕擾一案奉

旨傳通索理既在河南新鄭南陽二縣生事驕擾則所道之處必皆肆意妄行着該地方官一一振實查

首當寬減地方官之罪欽遵在案今違犯新昌德魁兒與傳通索理等同行詐財辱官其捐給人夫口

糧夫價之玉屏縣陞任知縣孫紹武等已經遵

旨振實查首應否寬減之處恭候

欽定後

命下之日臣部遵奉施行臣等不敢擅便謹

題請

首雍正九年三月十六日題本月二十日奉

旨孫紹武等既經據實查首著從寬免其處分

經建請官少保惠太子太保休和殿大學士惠常吏部戶部尚書事加四級
題為欽奉

上諭事該臣等議得廣西巡撫金鉅疏稱從前舉報老農按准部咨經臣通飭嚴查明確據實自首去後
茲據布政使元慶辰詳稱橫州舉報雍正四年老農周溥從前委係勤勞儉樸並無過舉亦無賄賂
營求及冒濫頂帶等弊不意近年以來恃頂帶為護符怠惰偷安竟不動督勸誅且恭過
神農耕藉大典足蹟不到何堪為農民表率其從前舉報則係著州事永淳縣丁憂知縣朱琰但舉報之
時該農尚知矜本力農勤勞無過惟近年以來怠惰偷安實無不公冒濫情弊職名應邀免開又荔
波縣舉報雍正三年分老農常慶子姪常福等打死車夫柱等一案竟敢率同子姪久逃無跡以致
懸案莫結究頑藐法何堪屬此

盛典其舉報則係原任荔波縣知縣今陞行人司行人蘇潮查蘇潮已准部覆於原任內降二級調用議
處在案今世庸重複查議又陞川縣舉報雍正三年老農覃伯親據稱雖無營求賄賂等弊但舊養
家僕不能嚴禁約束督率力田聽其逸出為盜以致各盜紛紛指板珠站名器其舉報則係陞川縣
知縣謝錫侯被勒勒役任俟各案俱經審明始行詳請咨軍雖非故意賕徇並未自行首出又西隆州
舉報雍正三年分老農黃顯宗倚仗護身不安本分其從前舉報不公則係西隆州知州吳琦已經
病故應毋庸議又遷江縣舉報雍正二年分老農覃道譜與武舉覃永見朋比為奸唆訟盡毒釀成
人命殊為不法至保舉之遷江縣知縣楊兆隆已經病故毋庸查議等情臣查不法老農周溥等五
名既已冒濫生事不安本分應請斥革不行首出之陞川縣知縣謝錫侯一併指參聽候部議等因

其題前來 除舉報不實之西隆州和州定琦連江縣知縣楊兆隆俱經病故嘉興縣歷任知縣
蘇潮先經照例議處均毋庸議至老農周溥該撫既稱舉報之時尚知力農無過惟近年以來怠惰
偷安實無不公冒濫從前舉報之署損州事永淳縣丁慶和縣朱瑛職名應邀免開等語相應免其
查議外查定例官員保舉老農不實者降二級調用加級處配不准抵銷等語應將舉報不實之陸
川縣知縣謝錫侯照例降二級調用有加一級照例不准抵銷其冒濫生事之老農周溥韋慶章伯
殺賣顯索輩道讚均應革去八品頂帶恭候
命下臣部遵奉施行臣等未敢擅便謹

題請

宣統元年三月十六日題本月二十日奉

旨依議

經廷請官少保兼太子太保保和殿大學士兼管吏部戶部尚書事加四級臣張廷玉等謹

題為稟報事該臣等議得廣西巡撫金鉉疏稱貴縣民譚宗亮由興業縣橋墟賣牛負錢回至下埠江
地界被盜殺死一案初據前任興業縣知縣張時沁會同貴縣前任知縣劉仁達相驗屍傷當場訊
據同行之譚音獲天娘等成供是日同在橋墟貨賣而回被賊將譚宗亮殺死天娘亦被賊打傷等
由連經訪緝究審茲據按察使張體義詳稱興業縣知縣夏暄到任縱盜不緝實稱是姦非盜移拿
譚音護等嚴刑酷死迄今改供並將無辜平民譚五等拘拏監禁疊夾逼供宗亮因姦譚易言之妻
被譚五等因謀殺死從認詳報續據貴縣知縣孫超前往會審據譚音護等杜口不究又各貪供譚
宗亮妻係被盜殺死遂飭鬱林州知州張任親提審明是盜非姦始行檢舉則是夏暄縱盜不緝惟
將同行被盜之譚音護等疊夾銀鍊無辜之譚五等酷刑逼招諱盜視姦殘害無辜至于此極所
有諱盜酷刑故禁故勒平民之興業縣知縣夏暄相應題奏再此案先委貴縣知縣孫超審出實情
係被盜並非姦殺應否議叙聽候部議等因具題前來查該撫既稱興業縣知縣夏暄銀鍊無
辜酷刑逼招諱盜搜姦殘害無辜等語應將興業縣知縣夏暄照諱盜例革職查定例承審命盜各
官如有悞定重罪被接任官審出實情者將審出實情之官准加一級等語應將審出實情之貴縣
解任知縣孫超照例於補官日准其加一級奏候

命下臣部遵奉施行臣等未敢擅便謹

題請

宣統元年三月十六日題本月二十日奉

盲
依
據

二
四
三
六
一

經廷講官少保兼太子太保保和親大學士兼管吏部戶部尚書事加四級
題為欽奉

上諭事該臣等議得先經江西巡撫謝恩咨稱准部咨開將山東等省保送之考職監生勞岐等五人帶
領引

見奉

旨歷年考職監生經張元懷條奏令該督撫考試揀選送部引見各省督撫自應將才具可用學問可觀
者據實咨送方不負朕廣覽人材之意今山東等省所保之勞岐等五人所寫履歷文義字畫俱屬草
率人亦庸劣不稱保薦之選其如何保送之處爾部行文詢問該督撫等因欽此查勞岐等五人內江

省保送之郭達節前據布政司詳據該府縣呈稱年力精壯才可辦事出結送驗本署院見該監生
年力壯健似可令其効力今目文義字畫草率人亦庸劣奉

旨行文詢問殊屬惶懼所有從前郭達節冒昧保送之處相應據實查明等因臣部查監生郭達節如何
保送之處係奉

旨行文詢問該督撫不使據各道議行令該撫保送緣由及從前流行出結送驗各官一并查明題奏到
日再議去後今據該撫疏稱郭達節文義字畫草率人亦庸劣雖係知縣葉建封出結保送而臣當
時不加細察即遞行保送實且之冒昧仰荷

皇上將臣劾部議處至出結保送之信量縣知縣葉建封等一併開送聽部議等因前來 查監生
郭達節文義字畫草率人亦庸劣知縣葉建封以年力精壯才可辦事出結送驗知府高廷年等並

不詳如試驗逐行將送巡撫謝恩亦不細察均屬不合應將出結保送之信豐縣知縣葉達封照條
爲不實例降二級調用據轉之贛州府和府高遜年暫當布政司事李蘭均照預先不行查出例降
一級調用巡撫謝恩照不行詳查例罰條六個月李蘭已經列案降調今暫署江西布政司事應予
補官日降一級調用恭候

命下臣部遵奉施行臣等未敢擅便謹

題請

旨雍正九年三月十六日題本月二十日奉

旨依議謝恩著罰條六個月李蘭著於補官日降一級用其因不行查出降調之高遜年著該督撫將伊
居官如何之處出具考語送部引見

兵部尚書暫理直隸總督印務加一級臣唐執玉謹

題爲報明開計丁憂事該臣省得署阜城縣事試用知縣張可舉有親父張暄於雍正九年正月初二

日在原籍山東海豐縣病故該員于雍正九年正月二十五日在任開計例應丁憂據布政使王譽

查明該員並無過離取結呈詳前來除結咨部外謹題請

旨雍正九年三月初七日題本月二十日奉

旨吏部知道

兵部尚書暫理直隸總督卹務加一級臣唐執王謹

題為申報事該臣等得天津州米起鳳家于雍正九年三月初一日失火延燒臨清執棚廠一案據布政使王譽按察使姜穎新呈稱是日起火之時大風勇猛延燒堆執棚廠二座內貯執塊一時搬運不及所有應用執塊均無傷損其另貯啞聲不堪執塊被火過損約計一千餘塊等情開具疎防職名請奏前來所有疎防之天津州知州史麟吏目賁如龍相應列名指奏謹

題請

旨雍正九年三月初六日題本月貳十日奉

旨史麟等著議處其奏該部知道

兵部尚書管理直隸總督印務加一級任唐執玉謹

題為詳請援創

題敘事該臣有得西路同知崔應階擊獲易州韓成奇家被劫案內盜首李六一案經臣咨部議敘嗣准部咨以從前

題結案內因何不行敘明行令查取遺漏各職名具

題等因今據按察使姜穎新查明開揭請參并請

題敘前來所有西路同知崔應階擊獲易州韓成奇家被劫案內盜首李六一從前遺漏叙明聲請議叙之易州軍職知州郭朝輔保定府陞任知府溫儀陞任按察使張廷棟相應列名指參再崔應階擊獲易州韓成奇被劫案內首盜李六一業經

題結與例相符應請議叙合併聲明謹題請

旨雍正九年三月初七日題本月二十日奉

旨該部察議具奏

兵部尚書督理直隸總督印務加一級臣唐執玉謹

題為報明事該臣查得永定河道石柱偶患疫症醫治不痊於雍正九年三月初一日在京病故據布政使王養奎查明呈報前來除飭取病故地方官印結另行咨部外所有永定河道石柱病故緣由相應具題請

旨雍正九年三月初七日題本月二十日奉

旨吏部知道

正統縣漢軍副都統署理刑部侍郎事務臣韓元基等謹

奏為遵

旨查審事該臣等前侍原恭蒲州府知府劉登庸貪劣一十五款內除民人劉秉常賄爭路車一款竊訪
臨晉縣知縣胡雨藩餽拜門生一款生員樊化龍等賄買五姓湖一款建署強拆紳矜房屋並以保
舉作算虛價一款俱審無贓証實據外其為尋常長隨一款原有分薦之人究無串通之事借貸併
餘一款先曾按縣而借嗣復照數清還至拖欠鋪賬一款雖有陸續分發非二年盡不發償但除還
過之外現在尚欠銀九十餘兩收受各屬禮節一款合計銀兩杯弊折共銀一百五十兩二錢益商
餽送杯幣一款折計銀五百一十兩五分以韓大調貽來古玩一款事無坐辦物像實收所贖韓大
調皮衣三票應找所值銀一百八十兩又收書畫玩器值銀一百七十一兩建署短發工價一款核
其原估之數除實在給過工料等銀尚浮開銀二百四十兩九錢肆分劉藉桂一款得銀五百四十
兩恐蘇王奮忘一款得銀五千三百七十六兩代辦駝店一款浮開銀一千四百五十七兩九錢二
分六厘九毫三絲以上共贓八千六百二十五兩八錢七分六厘九毫三絲又屯報一款雖沿衛所
之陋弊實多執耗銀五百九十八石其贓數劣蹟且等供審有確據而劉登庸亦供認不諱登庸身
庸知府有繁已表率之責乃竟賄私受賄者蹟種種况辦理駝店一項奉有

恩旨不許縱寬有崇官民若有不救者將公頃銀兩動支欽遵在案臣等於伊辦厯之處逐一嚴查據該
府州所覆核算劉登庸所辦駝店實用銀一萬三千五百二兩三錢並不據實開報止報銷銀八十
五百七十一兩五錢零私令各屬加派士民並以養廉併餘等銀賠補又任托辦駝店之尋常沈三